

## Ի՞նչ է bE-Open-ը

[www.coe.int/congress/beopen](http://www.coe.int/congress/beopen)

**bE-Open** առցանց գործիքը նպատակ ունի աջակցել տեղական և տարածքային կառավարման բոլոր դերակատարներին՝ տեղական ժողովրդավարության որակը բարելավելու նրանց ջանքերում՝ տրամադրելով էթիկայի, հաշվետվողականության, թափանցիկության և քաղաքացիների մասնակցության ուղեցույցներ: Տեղական իշխանությունները կարևոր դեր են խաղում քաղաքացիների վստահության ճնշման և մասնակցային որոշումների կայացման գործում, հատկապես՝ հանրային էթիկային և հաշվետվողականությանը նպաստող ուժեղ ինստիտուցիոնալ կառույցների բացակայության դեպքում: Առանց նրանց համաձայնեցված գործողությունների՝ կոռուպցիան և պաշտոնական դիրքի չարաշահումը կարող են լայն տարածում գտնել՝ խարխլելով խաղաղ և բարեկեցիկ հասարակության հիմքերը: Այսպիսով, տեղական ընտրված ներկայացուցիչների և նրանց վարչակազմերի բարեկարգությունը և թափանցիկ ու հաշվետու կերպով գործելու նրանց կարողությունը կարևոր են քաղաքացիներին արդար ծառայությունների մատուցման համար:

## Ինչպե՞ս է այն աշխատում

**bE-Open** առցանց գործիքն արագ և հեշտ մատուցում է [Հայաստանում](#), [Վրաստանում](#), [Մոլդովայի Հանրապետությունում](#) և [Ուկրաինայում](#) ներպետական օրենսդրությունում, նախադեպային իրավունքում ներառված համապատասխան տեղեկատվություն, ինչպես նաև ուղեցույցներ, լավագույն փորձի օրինակներ, միջազգային ստանդարտներ ընտրված չորս թեմաներով՝ [Հանրային էթիկա](#) և [հաշվետվողականություն](#), [Կոռուպցիոն ռիսկեր](#), [Թափանցիկություն](#) և [Քաղաքացիների մասնակցություն](#):

## Ո՞ւմ է այն վերաբերում

Տեղական և տարածքային կառավարման բոլոր դերակատարներին՝ իրենց գյուղերում, քաղաքներում և մարզերում տեղական ժողովրդավարության որակը բարելավելու ջանքերում: Այն նաև օգտակար կարող է լինել էթիկայի, հաշվետվողականության, թափանցիկության և քաղաքացիների մասնակցության թեմաներով հետաքրքրվող քաղաքացիների համար: **bE-Open** առցանց գործիքը հասանելի է անգլերենով և նշված երկրների լեզուներով:

## Թափանցիկության և քաղաքացիների մասնակցության ձեռնարկներ

Հայաստան



[HYE - ENG](#)

Վրաստան



[KAT - ENG](#)

Մոլդովայի Հանրապետություն



[RON - ENG](#)

Ուկրաինա



[UKR - ENG](#)

## Լրացուցիչ ռեսուրսներ

- [Վարքագծի Եվրոպական կանոնակարգ՝ տեղական և տարածքային կառավարման մարմիններում ներգրավված բոլոր անձանց համար](#)
- [Կոռուպցիայի կանխարգելում և հանրային էթիկայի խթանում](#)

**bE-Open** առցանց գործիքը մշակվել է Եվրոպայի խորհրդի տեղական և տարածքային իշխանությունների կոնգրեսի կողմից՝ հանրային էթիկայի, կոռուպցիայի կանխարգելման իր առաջնահերթություններին, ինչպես նաև տեղական մակարդակում մարդու իրավունքների մասին իրազեկվածության բարձրացման շարունակական աշխատանքին համապատասխան: Այն խթանում է թափանցիկության, հաշվետվողականության և քաղաքացիների մասնակցության վրա հիմնված ժողովրդավարական ինստիտուտների պատշաճ գործունեությունը՝ այդպիսով նպատակ ունենալով վերականգնել քաղաքացիների վստահությունը պետական իշխանությունների նկատմամբ: